

大清光緒廿一年

本館新聞除禮拜外日出一  
紙諸君賜閱本報者無論  
本埠外埠均可向本館取  
閱如外埠閱報加寄費不  
也除日報外刊送外復可  
惜工本從英國採辦釘書裁  
紙各機器以待與 各官商  
刊印書籍單件並有英國各  
種活字及各式花邊等延有  
西人排印工藝甚精所有中  
西文字均能刊印並有石版  
印字大小均能均用精工刊

第四千一百五十六號

# 申報

(本館開在舊巴路口門牌第十一號)

印工級絕倫前延有文士書  
寫各體文字現由上海購到  
各種書籍出售其書目另行  
刊佈所有各項價甚相宜出  
本館所登來稿原擇其有關  
世道人心者附登不亦須無  
礙於人而後始錄其有謬誤  
成文以及支離費解者概不  
登錄嗣後 諸君來札尚祈  
自諒更須寫真爵里而後敢  
登但來稿登與不登均不能  
將原稿收回也 本館謹白

乙未七月廿五日

英大一千八百九十五年九月三十號拜五 每張售錢十文 每月一元 每季三元 每半年五元 每年十元 凡告白者每日每行一仙

添募採訪 ○啟者本館欲再添募採訪人一名其人須熟悉本地情形且結交廣而聲氣兼通  
請各籍方言兩辦事勤謹公平者方能合用 諸君有欲承斯之者請至本館面商可也 本館謹啟

中日高勇細地圖發售 ○啟者茲本館新由上海寄到中日高勇三國地圖全圖二款均屬精製異  
常所有道里之遠近經緯之錯綜以及府廳州縣城市山林一一列舉此如指諸掌也前道長城龍圖界  
省界等莫不羅列井然燦若列眉令人一覽而知無煩細索且經設色令人易於辨別誠有心時務者不能  
不備之物惟此地圖寄來有限 諸君有欲買置者祈速 惠臨選購為盼 本館謹啟

新印電報冊發兌 ○啟者本館所印電報冊乃精心結構而成更復細心核對就碼無訛是以印  
成之後即已四處風行莫不喜買爭先未幾即售罄而來問者仍復源源不絕茲本館更不惜工費再此  
電冊重加編定所有號碼眉目尤為清楚可謂尋髮之間亦無遺憾洵全美現此電冊冊已告成惟所印  
無多欲買者尚祈從速 惠臨為盼特此佈告 本館謹啟

## 北洋海軍失利情形上篇

今南北洋兵輪管駕閩粵人最多至問其破敵之法則茫然不知且議論閩皆以西人之船艦炮利兵法森  
嚴為言一若必不可勝必不能勝者雖不幸而中亦關積習之難回也以二十年經營海軍殫竭心力一旦  
而敗於最爾小國且靡有子遺至貽餉巨萬萬割全臺以求成言之真可為太息痛哭流涕者矣然失之東  
隅收之桑榆譬之良醫既知其受病所在必須用藥以醫之揚羹吹盪其勢然也況我堂堂中國地大物博  
當此強隣窺伺之秋豈可因偶敗灰心而不思所以自強力圖報復哉爰為之大聲疾呼冀後之再建海軍  
者鑒於前車嘗胆臥薪一誤不可再誤則安在天下事不可大有為而為敵人所藐視哉海軍之弱其  
故有十一統帥無權也 行軍之道首貴慎密次貴權變自倭人敢以海軍各船或開蓋各處或鎮守某  
地或戰或守提督竟無其權動輒稟命北洋大臣而後行電音雖速輾轉已失戎機欲慎密不能也欲權變  
不能也况敵散佈奸謀於中國不知凡幾偶或洩漏則盡知我軍情先發以制我致我倭人著者爭先而  
處處落後海軍大局實誤於此大抵有可稍緩之事方可電問若軍務一時屢變兜起騎落受釐于則富  
隨時變通者也一功罪不明也將士所以効死勿去者為功名也不敢退縮保身者以軍令嚴明非無所逃  
也牙山之役各船中有舍死力戰者有畏倭遁逃者為統帥者察其顛末不存私意不存偏心有功必賞有  
罪必誅如是足以服眾足以示威則觀感興起何難敵艦建功哉乃戰勝者未聞有論其功者遁逃者未聞  
有加之罪者功罪不明士卒遂無鬥志海軍之敗實基於此卒至東溝之役濟遠不無觀望之心雖戰而不  
盡力價事體師有由來也一戰陣不精也兩軍相對能操必勝之權者一曰陣整一曰氣銳東溝之役船非  
不多也炮非不利也軍士非不能戰也而不能取勝者一誤於陣不精再誤於氣不銳師之耳目在於督船  
各船均奉督船之號令而行其船之太前太後者督船應升旗以揮之令荷嚴明則陣自整矣是役也致遠  
則輕敵太前廣甲濟遠則畏敵太後超勇揚威未至隊平遠廣丙尚在港內未來是陣向未整也督船離敵  
船尚遠碼數不準竟行開炮全軍亦隨之同開斯時烟霧迷天名船離敵船之碼數參差不一既不準矣安  
能命中一發不中再發三發又不中則我之氣竭而且衰矣敵窺我炮之虛發其威愈壯其氣愈張我竭彼  
盈是以敗也夫善戰者自當先聲以奪人敵我先行開炮一發即中敵將手足失措不及還擊所謂先發以  
制人也是也惜此次軍中無善戰之統帥無忠勇之翼長致號令紛歧軍心擾亂甚將戰艦者敵苟全身命不  
顧天下大局言之真死有餘辜耳一船械不備也東溝之戰敵船之速敵炮之多勝我遠甚我兵船雖有十  
二艘而不可以戰者則惟定遠鎮遠遠來遠致遠靖遠遠濟遠遠七艘其餘平遠廣丙超勇揚威四艘鐵甲太薄  
船身不堅不可以戰更有木船廣甲受一開花彈子全船即被焚燬又何能戰以不可戰不能戰之船在陣  
無有不牽動全軍者戰未半時超勇揚威同時發火烈燄冲天戶填海面觀者無不心胆俱裂斯時敵從而  
救之則敵將乘機擊我舍而弗問焉則於心不忍士卒喪氣軍威因之不揚故水戰實乎以堅船破敵不貴  
以艦船充數也若果多而且整接濟不窮軍心益壯又何戰之不克乎且更有可歎者往往彈子與鎗炮針

察補授欽此現換藍為紗袍○初九日本 上諭文華殿大學士李鴻章着留京入閣辦事王文韶調補直隸總督廉光通商事務北洋大臣欽此○同日奉 旨桂斌着賞給副都統銜作為庫倫掌印辦事大臣照例開缺前往欽此○十一日奉 上諭依克唐阿等奏總兵在營病故隨隊隨官便恤一摺革職留任直隸正定鎮總兵徐邦道着在軍營轉戰湖廣四川江蘇等省屢著戰功權授直隸正定鎮總兵訓練操防均能稱職請在防所病故特恤殊深徐邦道着開復處分照軍營積勞病故例從優議卹以彰勞勩該部知道欽此○同日奉 上諭雲貴總督岑春煊補授雲南巡撫欽此

德奧電音 ○廿二日英京發來電報云德皇不日即擬將其陸軍大加裁閱屆期之際奧王亦欲往以觀操練因據外間所料此次德奧兩君會晤觀操之舉實有干涉軍國事情在內云

德國電音 ○廿二日英京發來電報云德皇近出有諭旨一道其意係與德國之民助力以拒國仇者諭內并云此等仇人全不知忠君愛國之心云云其所謂仇者大抵係指下那芝黨而言也

七國電音 ○廿二日英京發來電報云土廷現已照會列國駐紮土京公使并詳列辦理亞梅尼安事宜之條款呈閱想土廷因此一事被各國所逼而又欲借諸國會辦故詳定其條款俾得自行辦理冀釋各國之怨不至再有違言也

台灣戰紛 ○頃閱香港西字報刊有十三晚七點鐘台北發來電報言彰化一城經日軍於本月初九日進攻台勇與之相持彼此大戰後彰化卒被日兵所奪台人死者六百名日軍死者九名云此乃來電之言恐未盡確蓋日軍於台灣戰事每死百人輒以一數代之是則其所謂九人者殆九白人也查彰化與安平相距約六十西里以日兵行程計之每日約行十二里倘無台勇截擊則本月十五六等日即可到安平與劉軍交戰然聞劉軍軍門已分兵北上迎擊日兵前撤中路台勇抄襲日人之後使其首尾不能兼顧果爾日軍雖暫獲小勝不久即當大敗恐難免全軍盡覆也

疫象猖狂 ○都門近患時症一事迭登報牘茲閱上海西報謂是症自初起至今患之而斃者約至四萬人之數此信若確則誠深可以為憂矣

議築炮台 ○小呂宋來信云現在西班牙朝廷經已派員會同集議小呂宋地方若何建築炮台以防不測云云至其欲建炮台究有何因明眼人於時事較量之即可以不啻而喻矣

地震震聞 ○十一日香港地震情形業登報牘茲接前途續信謂是役也不僅港地為然即粵垣澳門汕頭惠州海豐等處均同時震動雖微有後先參差不一然所震者不過數秒之久惟其震之巨細久暫則略有不同查香港之震係於是日下午五點十分鐘時僅閱半分鐘久即定繼復連震一二次至夜間十一點半鐘時又復震撼如前此港地地震之大概情形至於粵垣之震亦與港地同時不過僅距三秒之久而其勢之猛烈似較甚於港地而以城內所聞為尤最撫院前惠愛街等處各舖店所懸招牌有互相碰觸者舖內所懸神像大半因而停止有由屋內倉皇逃出誤疑為墻瓦傾頹者事過移時猶譁傳不已至於汕頭之震則於是日下午五點五十分鐘時陡覺地勢震撼墻壁搖搖海而舟船亦擺簸不已震後數分鐘離灘之水尚覺混濁不清其震係由西而東揭陽屬鎮民房二三百間墮毀男婦百餘名口其受傷屋宇不可數計則震勢之猛烈可知直至夜半時候接續震動數次但其勢甚微人多不覺耳聞當未震之先天氣炎酷異常自朝炊後人皆苦熱繼而大雨如注煩燥為之一掃少頃即喧傳地震迴響皆然有識者知為扶輿磅礴之氣蓄而忽洩固無足異也至於澳門之震亦同時時候澳中亦覺地震其情景與省港所見所聞彷彿相似是時海波一帶居人有因立足不定而驚惶失措者約逾半分鐘其勢始止蓋不啻隆隆一鳴遠近響應矣


臺中捷信 ○汕頭友人函述臺中消息云日人以步隊萬餘馬兵五百進攻臺南距道出嘉義縣即被義勇截擊日軍大敗馬兵死者四百六十七騎步兵死傷不可數計日兵遂逗遛不進聞日人擬派兵二千乘舟至濁人港登岸俾從東路以襲劉軍之後宋悉確不想劉大將軍運籌帷幄決勝千里必不致被其乘虛抄襲也

火車渡海 ○海底行車本非易事有英國人近來得一巧法能於大西洋海底安掛輪船駕駛火車由英而之英其法沈十八寸厚鐵管於海底每段長一百六十尺逐段相連長及九千里管粗二十六尺能容兩火車一往一來甚為穩便云云此真匪夷所思矣

回疆河州 ○上海字林西報接陝西來信云甘省回匪餘孽兵法所用軍器多有從俄國購來者至於哥老會各匪黨及逃兵散勇均與匪匪連絡一氣其意欲在亞洲立一自主之國包括西藏伊犁甘肅蒙古各境至其聚會之處實屬河州相距蘭州一百八十里勢甚岌岌假令各官兵不能速行剿滅則該匪之勢必致漸大故現在城外各鎮居民紛紛遷徙入城各城戒嚴均已閉門防守西甯附近各地均為回匪所陷府城亦被回匪圍攻又分犯古浪平番二縣古浪縣黃大令與匪相持未能得手平番縣西路電線被匪拆毀大吏入告蒙勸伊犁將軍與

兵協剿矣

象頭標蜜酒出售



啟者本公司由歐洲督辦來自票車先那牌酒來叻專為  
實得力補血調筋加此酒氣味香醇且能除煩解渴於實  
德力士地最上本宜法合飲者用特將其標式列  
報中俾爾等一覽而免致誤購取倘蒙 光顧請至舊巴

真街萬興號右鄰本公司為細認象首標為記庶不致誤價  
極平特此佈聞  
大英一千八百九十三年元月廿一號  
新嘉坡德買公司謹啟


正金標萬國酒出售



啟者本公司所督辦正金花標萬國酒久已馳名叻地  
君子均喜用之現已議定與本坡酒公司包辦以應客估凡  
有欲購者請至酒公司估買便得如買成起以便配往外處者仍  
可至本行估買至此酒  
造製之法  
妙異  
酒味甚清  
以之蒸餾  
者皆為上  
等之料保  
無偽克之  
弊此酒若  
在本坡沽  
買且價亦  
甚廉  
翁姑用須  
為留心辨  
明以二一  
之

上所有各標如無本行不殺呼聲字者即為假貨幸勿為其所誤  
本行自設酒場  
大英一千八百八十九年十二月三號  
不殺呼聲即前加參洋行謹啟

啟本號輪船往來各埠定期開列如  
左在各埠往實叻日期 在實叻  
往麻六甲每逢禮拜一 各埠五  
日下午四點鐘開行 由麻六甲往  
芙蓉每逢禮拜二六日中午十一點  
鐘開行 由芙蓉往吉隆坡每逢禮  
拜二六日下午六點鐘開行回實叻  
源順日 由吉隆坡回芙蓉每逢禮  
拜二四日下午四點鐘開行 由芙蓉  
回麻六甲每逢禮拜二五日上午十  
點鐘開行 由麻六甲回實叻每逢  
禮拜二五日下午四點鐘開行 另  
在叻往麻六甲吉隆坡實叻  
期午 等禮拜五日三點鐘開行特此  
佈聞



啟者本行所售之鐵在極本埠其名  
已久素蒙 諸君購用無不盛稱其  
妙對此廚之大小共有五種而價費  
最貴者名工師所製極為美善本坡  
所有西商智人以及作生意生理  
諸君多向本行購買以為貯銀之  
用因本行所沽者均用頂上物料製  
定而成不惟能阻賊偷且異常堅  
固無論火燒盜劫均保無虞貨真價  
實莫此為甚倘諸君有欲購此廚以  
收藏重寶可至本行選閱是幸此佈  
大英一千八百九十年元月四號  
不殺呼聲公司謹啟  
加珍目不殺公司謹啟



息戰承福承守土責辦臺防儲和議成大失國體任 皇上苦衷匪得已而臣子効力莫急於斯今者我臺灣名節自主實賴物王各友邦

既許共扶爾軍民尤宜協力如果實心為國即須抽血聯盟毋望而不一毋畏蕙以貽誤行見寸土之剩一線之延各富懷得力圖毋使強梁

稍逞置性命死生於不顧共建不世之勳惟存亡危急之力爭勿蹈空言之誦庶沐謫告條約列左 一台灣現為民主之國凡我商民堅心固

守一處有驚百方後應不得互相觀望萬一有難臨前當以一死上酬吾命斷勿首鼠免漢宋強 二永福泰監戰事自必艱苦備嘗死生與共

備統帶在事竊下務須遵守約毋得交連奸匪陣陣縮縮以及私洩軍情一切永福既職職諸君如手足諸君必視永福為腹心違約者斬毋赦

三翁若既已聯盟堅誓如有戰事務宜互相援手不得避險爭功營中勇丁尤不得私自袒庇各立門戶 四同人合盟之終無論官職大小均

如兄弟一般倘有身犯不測者除叛逆違法外其妻子後人倘無依靠理官優恤如有面是心非立言不踐者神鬼共殛厥後不昌 五將來倘

或乞援外洋勢必擇委人應由各朋友保薦膺茲重任敢有變異惟保舉之人是問如不幸中途遇害者加倍撫恤 六台南道府局三庫存

餉現應發商生息其餘各款均歸公用 七陣亡之人必須先行殮屍收殮事後或葬或運再為安葬並查明家眷住處俾恤家人如無家可歸

之人則擇地安葬立昭忠祠春秋祭祀病亡者不在此例 八凡我在事者連人安命勇將忘生宜綏預書而先預兇擇一闊大平坦之地以為

公塚設有不測俾安幽魂事平後更當重建大廳超度一切 九永福既與爾諸人同盟即如手足無異有福同享有苦同當如承福不以真心

待人不受天誅必遭地譴涉水非魚腹登山應被虎傷皇天后七賈斯斯爾諸人如有親望不救自相殘害者亦如之惟期大眾一心神鬼

自然呵護 十各營院額租火沿海埔文武降恩等款以地丁釐金隨課稅關合計每年若干應用若干均須涓滴歸公不得私自吞蝕所

有在事員紳薪水一切亦應節省以裕軍需如敢有意多支即係不顧大局未便容留須臾更換 十一聘托賄賂平時已干例禁當此時事多

艱尤須痛節積除杯酒往還雜投轉之常外如有私相授受賄賂一切者察出按軍令嚴辦 十二既盟之後承福布置地段防務及籌餉論

事用人如有不當之處各宜明告緣一已之精神有限眾人之識見當精實益集思古人且勉各宜直諫無有後言如果確有見聞不投告者

即非同盟必有異心如負誓言離離神佑 十三聯盟之後凡我同人籍貫住處家中共人若干均請彙存承福處以便查考 十四開仗之時

威傷或死在所不免所有醫治及收埋各費不得吝惜轉理或有不用慮眾嚴議 十五現時全臺增添七十餘營軍餉奇絀如有殘舊應亟樂

輸承福富為首倡一俟事平之後有無贏積撥戶給還斷不食言皇天是鑒

改效西法 (傳聞兼護兩湖總督譚中丞近日語人曰湖南省將用善法開股商學按中丞為長沙瀏陽人其原籍向有一書院專以

中法教士頗為認真現在該書院擬改西法所有學塾應讀各西書已報中丞購買寄回以供諸生肄習憶當中日未開戰之時中丞頗不以西

法為然近日則幡然一變深知中國補救之道在於崇尚西學故汲汲然欲改書院成規語稱識時務者為俊傑吾於中丞望之矣

泉案三紀 (二十四日為泉案開堂決獄第三日之期計是日泉憲陞堂所訊之案共有四宗計開 一穆拉油人吉職 巴惹及亞

兒馬末亞力被盜盜竊鐵紙等多賊逃至檳城被喚官獲解回叻歸案訊辦之案訊定後祇以吉職一人為有罪因判將其監禁十八個月餘

二名不過係與吉職同居於此事并不知情因命將其釋 二閩人林慶許五二名被協裕生貨棧之伴控其假單印符之案訊定後判兩犯

各監禁一年 三潮人卓亞明前在勿列江馬池炮台邊欲圖自縊適為台兵所見將其救獲之案訊定後僅判將其監禁一月以示懲儆之

四閩人梁榮被控私鑄偽銀之案訊定後詢陪審人員中有五人謂其有罪亦有二員稱其無罪泉憲乃論謂此案本司詳勘其情似亦難

定被告以應得之罪今諸君意見參差可將此案留俟異日再行詳訊可也蓋言如此至於前屆泉堂各案尚有黃亞占被告行劫澳門街郭亞

潤住屋之案未經訊定命留俟本屆再行覆訊者是日應該訊及而律政司即向泉憲請請本司詳觀此案無甚可以再控之處應請將案注銷

憲乃諭云如公所言確係本屆各案訊畢時再由本司查核本案前屆供詞再行核辦可也

失水遇救 (閩人呂坤向住帆黎弄之三斗灣以捕魚為業二十三日駛一三板載有魚十餘條欲來鐵巴虱發售至十一點鐘時

駛近赤坎海面忽遇狂風驟雨收帆不及遂至將船吹覆覆於水中幸呂坤抱船桅漂流海面至下午四點鐘之際始遇潮人蔡欽之乘船道過

將其救獲載至船中是役也股呂不遇蔡船則性命且將不保矣危哉

案情可疑 (廿二日有芝買勝輪船由港抵叻即登護署人役到船查察并傳諸女客到較訊問內有粵婦李亞喜一口驗其船票則

錄言任檳城者故無庸傳至署中詎諸差正在查詢諸婦之時該婦李亞喜忽然潛行登岸適被護署所見將其扣留送至護署訊問因諸婦曾

來叻之由係因被人拐帶既而詢以何人所拐則又以不識其人對現在該婦經由護政務保良局中暫為安置再行核辦云案始如此

此事大有可疑夫其船票既係言往檳城何以竟在叻中登岸既欲登岸則必有投依之所迨遭護署官訊問何以又謂被人拐帶然既已被

拐則其人自必平素相識始敢貿貿然千里相從安有被人拐誘而音不識共人之理况既已被拐則當護署到船查問之際自應切告何以

噤無一語迨遭護署送至護署始自言之其中情節多有令人可疑詳查其確而有以善辦之是所望於當其事者

貧病自斃 (潮人李亞德向旅叻甲賦閒已久資財用罄復染爛脚之症無力延醫因赴篤生醫院就醫所奈厥症甚深倉卒不能癒

李寬明短見於廿三日潛自磁院中迫察覺之時救已無及即由該院照例官驗明為之冷葬矣

騙案二則 ○廿四日巡理府提訊騙案一起原告為孟買人馬末于住居廿六加勞控其同籍人然馬查馬及西天二人於廿三日車同假冒車牌去銀一千元案經府尊訊明命命於八月初一電訊被告各覓保人署券一千元保出在外候審同日復訊騙案一起乃暗牌總機里士控告暗牌產客入劉日開於案據稱劉於去月廿八日至梧槽路同福典肆稱奉總差之命取去衣扣二粒值銀四十五元迨耳鈎一對值銀廿二元久假不歸該店東不復待時於廿三日到暗牌差館查詢其案於被破是日府尊堂訊亦未能畢厥詞因命被告覓保三百元暫行保出候至八月初一日再行覆訊

頑童繫獄 ○本坡拋球場一帶每至夕陽欲下遊人雲集常有無賴惡少仰聚於此專謀往來婦女此風最為可恨本報亦嘗言之有叻產崗人梁某二十三晚偕同伊妻乘坐手車一輛道經拋球場時詎有頑童輩於此閒遊瞥見梁車即前肆其嘲諷并敢將車欄敲或困於前或牽於後自般無狀梁忿甚因而鳴捕旋自巡差趕至諸童始如獸散僅獲一名翌日送至府堂訊畢後以其頑惡可恨因判將其監禁一月以示懲儆

京報選錄 ○戶部 奏為遵 旨議奏事 竊兩江總督湖廣總督張之洞奏江省籌餉捐輸請仍照原定章程准獎實官一摺光緒二十一年閏五月廿二日奉 硃批戶部議奏欽此欽遵由軍機處抄交到部據原奏內稱准部咨紳富商勸募軍餉本與尋常捐輸有別應查照前番凡捐輸鉅萬者准照新海防例請獎前准移獎子弟如勸募軍餉一及一萬兩之數應按籌餉新捐請獎等因當經轉行去後茲據江甯籌餉勸捐局前道詳稱上年海上用兵督臣劉坤一酌擬就地籌餉三條一為官捐於扣厘外再為量力捐輸其有獨捐鉅款者准准專摺奏明由部核給後獎一為紳富捐如有捐銀至一萬兩以上者准奏請 特恩獎叙其在一萬兩以下者准照新海防例給實官虛銜 封典暨准移獎子弟一為封典捐如於前道捐銀二百兩之外再捐一月息銀准按總價核明銀數請獎實官虛銜 封典等項又蘇州就地籌餉案內紳士捐輸一項亦經聲明無論已仕未仕捐銀至一萬兩以上者奏請 特恩獎叙其在一萬兩以下者准照海防例獎給實官虛銜 封典兼准以京業將捐生應得數叙按照新海防例分次造冊咨部奉准給照有案今奉部行嗣後收捐務須分別籌餉新捐及海防事例等因查向來貢監銜封本係常例所准近年海防籌工等捐均係准獎實官即兩淮商捐亦尚獎給實職今官紳富商勸其捐助軍餉尤見急公好義與尋常不同似未便以捐資之多寡即分虛實之官職現在富紳捐款已指未獎者為數甚鉅若不一律給獎實官何以示信紳民懇 恩敷部查照原定章程仍准獎給實官接續造冊咨部給獎等語臣等伏查現行事例各省減收收捐准獎實官者一為新海防捐一為火器新捐准獎實官一為奏章不符當行知該撫嗣後收捐務須分別辦理並通行各直省查照在案茲據署理兩江總督張之洞奏請將江省籌餉捐輸仍照原定章程給實官等因查臣部上年議覆督臣劉坤一就地籌餉欽內勸諭紳富捐資一條原准賞給實官前准該省留用一半外理防務但此項捐輸既出自江南富紳何以該省造送獎冊八旗滿蒙漢及各直省捐生俱有巨紳富商捐資如願照新海防例獎賞實官儘可歸新海防捐案內造冊乃該省必另立籌餉捐輸名目者良以新海防捐應全數解部籌餉捐輸可留用一半耳湖廣成豐年開籌餉例開各省設局減價招徠施辦不勝枚舉今雖不致有此但近數月來各省新海防捐收數均不踴躍而江南籌餉捐輸續收捐計四十六萬有奇已捐未當尚不在內若不稍示限制不特新海防捐恐成虛設且該省將捐項留用一半部庫進款必致暗虧於度支殊有關係臣等公同商酌勸諭紳富捐資本為籌防之用現在和議已成此項捐輸自應酌量停止除紳富捐銀鉅萬仍准冬該將軍督撫專摺奏請 恩施外其餘零星雜効銀兩一律停收恭候命下由臣部電知各直省遵照辦理至戶捐未獎之欸准其仍照上年奏案賞給實官准各省造送獎冊應於此次文到一月內出咨不得任意遲延或率請展限致干駁詰所有臣等遵議緣由理合恭摺具陳伏乞 皇上聖鑒 奏

憲 大英新嘉坡輔政使司瑞 為招人投票事照得本國家現有工役欲招人入票承充為此示仰商民人等一體知悉汝等有欲承充是役者當於西貢添末月十六號即華本月二十八日以前入票投交本署以憑選擇至其所作之工係在

丹戎里心史改及增添候補人員膳房 又在浮羅勿刺尼建造營造棧房及打鐵廠

示 此等工役如欲取其印便之票式及欲知詳細情形者除禮拜外每日由上午十點鐘起至下午四點鐘止均可至營造司署向其大才副領取查詢凡投票者其票外必須寫明投充某項工程字樣並須取封印便之票照式填寫方能台用至於棄取之權任由國家裁奪不得執價低者得之說相爭各宜踴躍慎無觀望特示 大英一千八百九十五年九月十三號

土庫出賃 ○啟者茲有土庫一間在於不紗實得力即陳聖王後街門牌第一十九零一號一十九零二號茲欲出稅與人倘 諸君有欲稅者祈至本店面議特此佈聞 光緒廿一年五月二十日 坤豐號黃金炎啟



聲明代理 ○啟者茲因黃亞佛父子公司即坤哩炎豐號兄弟相爭即與本年第一百一十八號之案於西一千八百九十五年八月廿三日即華本年七月初四日蒙 檢察司之命將該兩號生理事宜交余代理凡有一切進支數目須余畫號始得為憑不得快交他人特此聲明以昭清白此佈  
大清光緒二十一年七月十八日  
林吉順謹啟

### 影戲奇觀大減價



竊謂梨園子弟菊部優伶所演各劇類皆傳奇小說陳陳相因且半屬空中樓閣未必實有其事不備有識者之一笑惟本班不惜資本游歷天下各國將其山川名勝及礦土等列邦交戰情形并許次中日大小戰數十戰橫行影照成圖事事逼真加以燈光放大運用翻演且有法國樂器按腔節奏有色有聲惟妙惟肖殊足令人目賭其間不啻身歷其境也前在日本已歷二年有奇嗣到上海香港各埠均蒙 仕商贊譽噴噴稱羨茲來叻坡寓在鐵橋橋北大馬路英禮拜堂附近打不酒店角頭屋內每日由下午四點鐘開演至夜十一下鐘上禮拜日則自下午六點鐘起至十一下鐘止茲將價值大為核減每位入觀銀收三角 童子十歲以下每位收銀二角 鎗兵及水手穿有號衣者每位收銀二角 再者本班不惜資本以鉅款在美國購買大天文鏡一具可以伸觀天象此鏡窺視天星大如盂盎其星伴何狀可以一目瞭然用以觀看月輪尤為精細凡月中所涵何物均能一一分明是不但徒侈眼界之寬并可為增長見聞之一助其餘各式圖畫亦皆更換一新另有獸牙一對每重八磅半此牙係四千年前之物最為難得但自本日為始再設三天即將他往 諸君有欲觀識見者祈早 惠臨幸無辜負也  
英一千八百九十五年八月廿三日  
影戲班主那拂打風謹啟

電醫告白 ○啟者本醫生精究電氣醫術奇而不失於正前在法國巴黎都城售術凡經診治者莫不交口同稱茲到叻中懸壺問世至余醫症之法係以電氣為主以藥佐之其治以下所列各症不惟速愈且能保其除根再無復發茲將所醫各症略開如左 半身不遂 痺痿不仁 身弱虛弱 肝木不調 脾土受病 腰脊酸軟 陽痿不振 色慾過度以至虛癆等症一經診治即能斷定何時可能全愈若果以余法醫之不但暫時少愈并可永遠除根前者余在印度時曾醫治各部諸侯王及西人士人等不能悉計凡經醫愈者均蒙給有字據為憑至此此等醫法係余一人獨創在於印度一帶并無分枝茲到叻中寄寓小東陵第三號門牌即南末馬路對門每日由上午九下鐘起至下午五下鐘止在本館內候醫至於謝儀一項務從廉取斷無苛索 諸君賜教祈即 玉臨就商可也  
光緒二十一年五月初八日  
電氣醫生精基律謹啟

新嘉坡山仔頂陳生利號內蔡宜香告白 ○竊思本庄茶葉出自高峻峻嶺之中生由仙谷名巖之內雖有蓬萊仙島異種名槩莫不啻此葉之佳品絕妙也倫其茶質清潔深味醇香較之別家茶品香味殊異馨香可口令人可羨是故名遠邇遐東西買九州南北市百川名號市鎮五湖四海之內 諸公均皆喜用樂享此品得以日廣名揚殊味今之人心不古棍騙者流市當之類見利忘刑心生唾涎私自造以屢鼎冒與本庄宜香烏龍無異幸纔初到遠近內外各埠 諸貴商向未被其所惑解先已被本號偵知即時向 官請票執獲將該匪生號之假貨一切查封在案迨至閏五月廿三日即確訟 臬憲案前訊判幸蒙明鏡高懸分毫不寬為之迷惑解蒙 臬憲將該案在第一百六十五號之餘判結判將聯生號著其賠償本號訟費仍再倒令將該假貨所有箱包內外紙仔印標一切折改富而焚如再蒙 臬憲諭下嚴示此庄茶葉市人永遠不得瀾冒嗣後如再遇有這等奸商棍徒仍以假造冒充者或字形相似或字音髣髴許以立即請票緝捕以重懲云云然本號屢蒙遠近 諸富商巨賈雅顧守分營生分毫不敢驕傲奈因鴉爭鵲巢勢力相及免不得告之公庭以彰王法今恐再有棍騙者流仍生枝節是敢將情佈告使 諸貴商方免為市靈所欺又恐未知之友有犯此例亦并佈告耳特此奉聞  
大清光緒乙未年七月初一日 英吉利一千八百九十五年八月二十號  
星嘉坡山仔頂陳生利內蔡宜香茶庄告白

駐紮實德力大荷蘭國領事招商承餉告白 ○啟者茲有望加之鴉片酒賭賭及碼碼欲招人投充於一千八百九拾六年或一千八百九拾六年一千八百九拾七年至一千八百九拾八年定於西曆添末月拾九號至二拾號即華八月初一日至初二日在文島出投 諸君有欲承充者請如期至玉臨投取是荷特此佈聞 英一千八百九十五年五月廿一號 駐紮實德力大荷蘭國領事官官浮羅羅謹啟

荷蘭駐叻領事官告白 ○啟者茲有望加之高模 丹拿浮底各地之賭碼碼碼又望加高模丹拿浮底之當碼碼商承充此碼係投一千八百九十六年一載為期或投至一千八百九十七年及一千八百九十八年三載之期均從其便而此碼則定於一千八百九十五年實添末月二十三號即華八月初五日禮拜一在望加麗出投 諸君欲有承辦者請屆期前往投充便得特此佈告  
大英一千八百九十五年七月四號 大清光緒二十一年閏五月十二日  
荷蘭駐叻領事官官浮羅羅謹啟

**密酒發賣**

法國上等葡萄酒

**三品出品售**



啟者本行所辦歐洲馳名三品酒其酒係自釀成式醫皆有年沽飲諸君莫不稱其香爽奈近有無恥之徒假冒本庄三品酒款式以圖魚目混珠情殊可恨後諸君買本行白酒三品酒者請認明本號招牌之內有小紙包註聯字號為憑也公明也始無誤若此字樣即屬假冒請為細認特此佈  
大英一千八百八十五年十二月十九號  
明也公司啟行



啟者本行由歐洲辦到上等密酒來發售其酒甚佳茲將標印出諸君光顧所為細認免致有誤近聞有無恥之徒假冒本行標印酒希圖目魚混珠最堪痛恨今本行再行核定於酒樽木杪內加鐵烙鎖行形以示分別倘有知何人假冒到請本行轉明即謝紅銀二百大元絕不食言再此酒不能久往  
大英一千八百九十三年五月廿六號  
大清光緒十九年四月十一日  
明也洋行謹啟

啟者本公司親由法國督辦上好萬國酒酒來發售其酒清香濃郁醇厚異常飲之令人長血氣壯筋骨悅顏色妙矣無窮今市上所有萬國酒無有能出其右者誠佐酒中妙品也至此酒惟本公司一家坊出餘無別家出售倘有光顧請細認蜂窠標為記並細辨香味方不致誤價甚相宜倘有欲份之請至  
大英一千八百八十八年六月二十號  
大清光緒十四年五月十一日  
明也公司謹啟

**名器發售**

啟者人生之道所最要者則惟德誠其大則惟德誠兩然必須才德兼備此本行鐵櫃所以為諸君之所共賞也啟者本行所賣之鐵櫃久已馳名於東方一帶而於坡則聲名尤著至本行所賣此等鐵櫃已有三十年之久其製法為堅固保能避火且其匙鑰甚妙斷非盜賊等所能開計其櫃全身均用鐵製並無雜以木料且諸君自宜認明一式堅固而前  
有優劣之分至於各別大小不一而價銀則約一百元至五百元凡用之者可保其不礙焚燒即火災亦無所損本行之鐵櫃實為坡中獨尊華商所喜購而本行每年所沽亦殊不鮮茲特為之錄佈倘諸君有意購者請即至玉臨選購為盼  
大英一千八百八十九年十一月廿八號  
明也洋行謹啟



**烏密酒**



啟者本行向由英國督辦烏密酒來發售久已馳名馳名茲復由英新辦到烏密士斗雲字號之狗頭標烏密酒到助應以此酒香爽異常不惟飲之可口且能保養精神調和血氣當飲令人不生疾病誠酒國中上品也一經飲之光顧者請認明狗頭標為記庶不致誤且價甚相宜倘諸君有意購者請至本行取用可也此佈  
大英一千八百八十八年八月十五號  
明也洋行謹啟

